

Qeqqata Kommunia

aamma

Namminersorlutik Oqartussat akornanni

Majoriamik ingerlatsineq pillugu

naammassisassanut isumaqatigiissut

2025-2027

# Imai

Isumaqatigiinniartut.....	2
Tunuliaqutaasut.....	2
Siunertaq.....	2
Anguniakkat suliasallu .....	2
1. Suliffeqarneq .....	3
2. Ilitsersuineq.....	5
A. Suliffeqarnermut ilitsersuineq.....	6
B. Ilinniartitaanermut ilitsersuineq.....	6
C. Pikkorissaqqinnermut ilitsersuineq .....	7
D. Ujartuilluni ilitsersuineq .....	7
E. Nunaqarfinni ilitsersuineq .....	7
3. Pikkorissaqqinneq.....	7
4. Iliuusissatut pilersaarutit.....	8
Majoriap sullinniagai .....	8
Nalunaarusiorneq.....	9
Sulisut .....	9
Aaqqissugaaneq.....	10
Aningaasaqarneq .....	10
Ingerlatsinermut tapiissutit.....	11
Immikkut ittumik suliniutit aningaasallu immikkoortitat .....	12
Ilinniartut amerlassusaat .....	12
Nakkutilliineq.....	13
Saqitsaannerit, pisussaaffimmik sumiginnaanerit aamma kalerriinerit.....	13
Atuutilerfia, atuuffia, isumaqatiginninniaqqinneq atorunnaarsitsinerlu .....	14
Ilanngussaq: Majoriami suliasanut killiliussat .....	16
1. Inatsisinut tunngatillugu killiliussat.....	16
Ilanngussaq: Majoriamut tapiissutit katillugit .....	19

## Isumaqatigiinniartut

Isumaqatigiissut manna atsiornikkut isumaqatigiissutaavoq:

Kommunalbestyrelsi  
Qeqqata Kommunia  
Makkorsip Aqq. 2  
3911 Sisimiut  
Aamma  
Kuuttartoq B 1077  
3912 Maniitsoq  
(*tamatuma kingorna kommuni*)

aamma

Namminersorlutik Oqartussat  
Isumaginninnermut, Ilaqutariinnut, Suliffeqarnermut Nunamullu Namminermut Naalackersuisoqarfik  
Imaneq 1 A, 501  
Postbox 279  
3900 Nuuk  
Grønland  
(*tamatuma kingorna naalackersuisoqarfik*)

## Tunuliaqutaasut

Suliffissanut, ilitsersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. december 2015-imeersoq naapertorlugu kommunimi illoqarfinni tamani kommunit Qitiusumik ingerlatsivinnik pilersitsinissamut pisussaaffeqarput.

Naalackersuisoqarfiup qitiusumik ingerlatsivinnut tunngatillugu ingerlatsineq pillugu kommunit naammassisassanut isumaqatigiissuteqarfigissavai.

Suliffissanut, ilitsersuisarnernut pikkorissaqqinnernullu qitiusumik ingerlatsiviit taaneqartarput  
**Majoriaq.**

## Siunertaq

Anguniakkat suliassallu, kommunip naalackersuisoqarfimmut isumagissallugit pisussaaffigisassaanik, aalajangersaanissaq pillugu isumaqatigiissummik pilersitnissaq siunertaavoq. Isumaqatigiissummi suliassat naammassineqartussat imaluunniit kommunimi Majoriamut attuumassuteqartut ilaatinneqarput.

## Anguniakkat suliassallu

Majoriami pingaarnertut anguniagaavoq suleriaatsinik assigiiakkanik sunniuteqarluartunillu pilersitsinissaq, Majoriami suliassaqrifiit akornanni sunneeqatigiinneq pitsaanerpaanngortillugu.

Taassuma innuttaasut qitiutinneqarnerat pitsaanerpaamillu ilitsersuunneqarneri, pikkorissaqqinneqarneri aamma suliffeqarnermut ilaatinneqarnissaannut tapersorsorneqarnerat qulakkiissavai.

Kommuni inatsisit malillugit naammassineqartussanik arlalinnik suliassaqarpoq. Naammassisassanut isumaqatigiissut tunngavigalugu kommunalbestyrelsi suliassat tulliuttut isumaginissaanut pisussaaffeqarpoq:

Majoriamut suliassat pingaarnernut sisamanut aggorneqarput:

1. **Suliffeqarneq**
2. **Ilitsersuineq**
3. **Pikkorissaqqinneq**
4. **Iliusissatut pilersaarutit**

## 1. Suliffeqarneq

Nunatsinni suliffeqarnermut pingaarnertut anguniagaq tassaavoq nunami sapinngisamik innuttaasut amerlanerpaat suliffissaqarnissaat. Tamanna sulisussat piginnaasatigut qaffasissusiat inuussutissarsiortut sulisussanut aalajangersimasunut pisariaqartitaat malillugit naleqqussarneqarnerisigut anguneqarsinnaavoq.

Kommunip atuuffia tassaavoq suliffissaaleqinerup annikillisarneqarnissaa anguniarlugu suliassanik sularinnittarnerup sunniuteqarluartumik siunnerfilimmillu ikorfartuinissaq.

Majoriap suliffeqarnerup iluani suliassanut inatsisit atuuttut tunngaviupput, taakkualu ilanngussami Inatsisitigut killiliussani Majoriap suliassanut killiliussat pillugit erseqqinnerusumik nassuiarneqarput.

Suliffeqarnermut suliassanut ilanngunneqartut makkuupput:

### **Innersuussisarneq**

Innuttaasut kiisalu suliffeqartut assersuutigalugu pikkorissaanerit suliassat tunngassutillit (Aningaasanut inatsimmit aningaasaliiffigineqartut, PKU, AMA il.il.) pillugit kivinneqarnissamik pisariaqartitsisut innersuutissallugit. Pikkorissaanerit iliuusissatut pilersaarummut immikkut allattorneqassapput.

### **Suliffissaaleqisut aamma Siusinaartumik pensionistit**

Suliffissarsiuussisarfik suliffissaaleqisunut aamma siusinaartumik pensionisialinnut, suliffeqarnermut uteqqinnissamik kissaateqartunut, ingerlataqarnissaannik aallarnisaassaaq. Majoriaq siusinaartumik pensionisialinnut kiisalu sivisuumik suliffissaaleqisunut ilitsersuineramik kajumissaarinermillu ingerlataqartitsissaaq. Tamatuma saniatigut Majoriaq pisariaqartitsineq malillugu qulaajaanermik ingerlataqartitsissaaq.

### **Piginnaangorsarneqartut**

Majoriap piginnaangorsaaqqinneq pillugu qinnuteqaatit aamma innuttaasut tulluarsaqatigiiat 2-miittut piginnaangorsaaqqiinnermut innersuussutit aqussavai. Tamatumunnga ilaapput sivisuumik suliffissaaleqisut aamma siusinaartumik pensionisiallit sulisinnaanerat pillugu naliliiffigeqqinneqartussat. Innuttaasut aamma pineqarsinnaapput, sulinermik ajoqusernerup kingorna inuussutissarsiornermut allamut ilinniartinneqartariaqartut.

Majoriap ilanngullugu innuttaasut eqaannerusumik suliffissanut atorfinitsinneqarnissaat innersuussutigissavai. Piginnaangorsaaqqiinnermut suliniutip takutippagu, innuttaasoq suliffeqarnermut attuumassuteqarnermik kissaateqartoq, innuttaasoq eqaannerusumik suliffimmut atorfinitsinneqarsinnaavoq. Tamanna innuttaasunut, suliffeqarfimmi atorfeqareertunut tassangaannartumillu sulisinnaassutsimi ilaanik annaasaqartunut aamma atuuppoq. Atorfeqarnerup attatiinneqarnissaa siunertaralugu, sulisitsisoq peqatigalugu eqaannerusumik suliffeqarnissaq pillugu qinnuteqarsinnaapput.

Piginnaangorsaaqqiinnermik ingerlataqartut tamarmik, minnerpaamik qaammatit pingajuanni malitseqartitsiffiusumik, malinnaaffigineqassapput.

### **Suliffissarsiorlut**

Suliffissarsiorlutunut tamanut suliffissaq suugaluarpalluunniit innersuussisarneq kiisalu inuussutissarsiutit akimorlugit sulisitsisunut sulisussanik innersuussisarneq isumagineqassaaq.

Innuttaasut suliffeeruttut suliffinnut nittartakkami aamma paasissutissanik katersuiffinnut allanut attuumassuteqartunut nalunaarsorlugit neqeroorfigineqassapput.

### **Suliffissaaleqisunik sulilersitsiniarneq**

Innuttaasunik suliffissaaleqisunik sulilersitsiniarneq isumagineqassaaq.

### **Suliffissaaleqisunut CV-liorneq**

[www.suli.gl](http://www.suli.gl) aqutigalugu suliffissaaleqisut CV-liornissaannik ikiorlugit

### **Suliffissaaleqigallartut**

Suliffissaaleqigallartut suliffissarsiorlutunut ikiorsiissutinut nalunaarsorlugit, tassunga ilanngullugu aalisakkerivinni assingisaannilu sulisut angerlartitaasut.

### **Pikkorissaanernut innersuussineq**

Suliffissaaleqisut pikkorissaanernut, tassunga ilanngullugit PKU, AMA il.il. aaqjissuussiffigalugit innersuullugillu.

### **Nuttarnerulersitsiniarluni tapiissutit**

Innuttaasuniit, illoqarfimmut allamut suliffissarsiniarluni nuunnissamik kissaateqartuniit, nuttarnerulersitsinissamut tapiissutit pillugit qinnuteqaatit tigullugit.

### **Suliffissarsiorlutunut ikiorsiissutit**

Suliffissarsiortunut ikiorsiissutit pillugit qinnuteqaatit suliaralugit.

### **Avataaniit sulisussat**

Avataaniit sulisussat pillugit sulisitsisut qinnuteqaataat tigullugit.

### **Ujartuilluni suliffissarsiuussineq**

Inuussutissarsiortunut najukkami, nunap immikkoortuani nunalu tamakkerlugu ujartuilluni suliffissarsiuussineq ingerlallugu kiisalu sulisitsisut suliffissarsiortullu akornanni suliffeqarnermi pissutsit aalajangersimasut pilersinneqarnissaat siunertaralugu attaveqatigiissitsineq.

### **Tulluarsaqatigiiaanut immikkoortiterineq**

Innuttaasut suliffissaaleqisut tulluarsaqatigiiaanut immikkoortiterlugit eqqortumillu tulluarsaqatigiiaanut immikkoortiterineq qulakkeerlugu.

Suliffissaaleqisut tamarmik tulluarsaqatigiiaat 1-imiittut 2-miittullu Majoriami suliarineqartassapput. Innuttaasut tulluarsaqatigiiaat 3-miittut isumaginninnermik ingerlatsivimmut innersuunneqartassapput.

Majoriap tulluarsaqatigiiaanut immikkoortiterineq akisussaaffigaa, aamma tulluarsaqatigiiaat immikkoortiterneri imaluunniit oqartussaq sorleq akisussaasuunersoq pillugu nalornisoqartillugu, suliaq suleqatigiinnermut aaqqissuussamut innersuunneqarsinnaavoq. Suleqatigiinnermut aaqqissuussap Majoriamiit, meeqqat atuarfianniit aamma isumaginninnermik oqartussaniit inuttaqartinneqartup, suliassamik suliarinnittarnermi attuumassuteqarnerpaaq pillugu inassuteqarsinnaavoq, Majoriamut imaluunniit isumaginninnermik ingerlatsivimmut.

### **Suleqatigiinnermut aaqqissuussaq**

Suleqatigiinnermut aaqqissuussami, Suliffissanut, ilitsersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28 af 9. december 2015-imeersumi § 5, imm. 5 naapertorlugu Majoriamiit, isumaginnittoqarfimmiit kiisalu meeqqat atuarfianniit aallartitat peqataassapput.

## **2. Ilitsersuineq**

Innuttaasut ilitsersuineramik kissaateqartut ikiussallugit.

Ilitsersuineq suliassallu akornanni ataqatigiissaarineq pitsanngortinneqarput innuttaasup ilitsersuineramik kissaateqartup suliffeqarneq, ilinniartitaaneq, pikkorissaqqinneq ujartuillunilu ilitsersuineq pillugu paasissutissanik pissarsisinaanera ajornannginnerulersinniarlugu.

Pikkorissaaneq pillugu neqeroorutinut tunngatillugu qitiusumik ilinniarfiit qanimut oqaloqatigineqassapput.

Ujartuillutit suligit aamma najukkami, nunap immikkoortuani nunalu tamakkerlugu inuussutissarsiortut qanimut attaveqarnerit attatiinnarlugu.

Kommunalbestyrelsip naapertuuttutut isigippagu, ilitsersuinerup ilaa qitiusumiit ingerlanneqarsinnaavoq, taamaalilluni ilitsersuisut qitiusumik allaffeqarfimmiittut najukkami ilitsersuisut tapersersorsinnaallugit. Tamatuma innuttaasut pitsaanerpaamik ilitsersorneqarnissaat qulakkeerpa, tapersersuinerlu Teams il.il. aqqutigalugit aamma ingerlanneqarsinnaalluni.

Ilitsersuineq suliassaqarfinnut tallimanut agguarneqarpoq:

- A. Suliffeqarnermut ilitsersuineq
- B. Ilinniartitaanermut ilitsersuineq
- C. Pikkorissaqqinnermut ilitsersuineq
- D. Ujartuilluni ilitsersuineq
- E. Nunaqarfinni ilitsersuineq

#### A. Suliffeqarnermut ilitsersuineq

Siullermeertumik suliffissaaleqisunut tamanut ilitsersuineq pillugu oqaloqatigiinnissamut piffissamik tunniussineq tamanullu atuuttumik iliuusissatut pilersaarummik suliaqarneq.

Ilitsersuinerup neqerooruteqarneq, atorfirmik qaffassarneq ilanngullugu.

Inuusuttut sullinniakkat allallu suliffissaaleqisut, suliffeqarnermut aamma/imaluunniit ilinniarnissamut piareersimasussat, paasititsiniaaffigalugit.

#### B. Ilinniartitaanermut ilitsersuineq

Ilinniartitaanermut ilitsersuineq.

Inuusuttut ingerlariaqqiffiusumik ilinniarnissamik qinnuteqartut aallartittussallu amerlassusaat qaffanneqassaaq. Tamanna aamma atuuppoq sulisussat pioreersut pikkorissaqqinnissaat, innuttaasunut suliffeqarnermi atugassarititaasunik pitsanngorsaasinnaasoq naatsorsuutigineqarluni. Ilitsersuinerup pitsaanerup kingunerisaanik, ilinniartitaanermi unitsitsiinnartartut ikilisinneqarsinnaasut ilimagineqarpoq.

Taassuma kingunerissavaa sulisussat piginnaasaasa nukittorsarnerat, taamaalillutik innuttaasut amerlanerusut ilinniarsimasunngorlutik imaluunniit ilikkagaqarlutik, taamaalilluni inuussutissarsiortut piginnaasanik aalajangersimasunik ujartuinerisa naammassineqartarnera qaffasinnerulernissaa ajornarunnaarluni.

#### Ilinniartitaanermik qinnuteqaatit

Kalaallit Nunaanni ilinniartitaanernut qinnuteqaatit immersorneqarnissaannut ikiuineq, taamaalilluni ilanngussassat pisariaqartut tamaasa ilanngunneqarnissaat qulakkeerlugu.

#### Inuussutissarsiortunik oqaloqatiginninneq

Piginnaasanik aalajangersimasunik pisariaqartitsineq pillugu inuussutissarsiortunik oqaloqatiginninneq pitsanngortinneqassaaq. Pikkorissaqqinnissaq ilinniaqqinnissarlu pillugit neqeroorutit sapinngisamik ujartuinerup sammitinneqartariaqarput.

### C. Pikkorissaqqinnermut ilitsersuineq

Anguniakkat pingaarnersiukkat naammassiniarlugit Majoriap, ilitsersuinikkut ilisarititsinikkullu, imaluunniit pikkorissaqqinnikkut atuagarsornermik aamma atuagarsornani ingerlataqarnermik ilinniarnermik qinnuteqartut tamaasa ingerlariaqqiffiusumik aamma/imaluunniit ilinniarnissamik piareersarfiusumik aallartinnissaannut piginnaangorsarneqassasut sulissutigissavai.

### Angajoqqaat peqatigalugit ilitsersuineq

Angajoqqaat peqatigalugit ilitsersuineq isumagalugu.

### D. Ujartuilluni ilitsersuineq

Inuusuttut 30-t inorlugit ukiullit ilinniagaqarnissaq ukkataralugu ilitsersorneqassapput. Ujartuilluni ilitsersuineq inuusuttunut ilinniagaqanngitsunut imaluunniit suliffeqanngitsunut neqeroorutigineqassaaq.

### E. Nunaqarfinni ilitsersuineq

Inuusuttut 18-29-inik ukiulinnut nunaqarfinni tamani ikaarsaarnermik ilitsersuineq ingerlanneqassaaq. Majoriap nunaqarfinni tamani ilitsersuineq, nunaqarfimmi illoqarfimmiluunniit qaninnerpaami, oqarasuaatikku qarasaasiakkulluunniit ingerlanneqassanersoq naliliffigissavaa.

Angalanermut najugaqarnermullu kiisalu paasisitsiniaanermut atortussanut aningaasartuutit matussuserneqarnissaannut nuna tamakkerlugu aningaasaliissutinut immikkoortitaqarpoq. Kommuniq nunaqarfimmut tikeraarneq pillugu utertitsilluni akiligassaq naalakkersuisoqarfimmut nassiutissavaa.

## 3. Pikkorissaqqinneq

Innuttaasut suliffissaaleqisut pikkorissaqqinnissamik ingerlataqarnissaannut innersuussineq ilitsersuussinerlu, tassunga ilanngullugit atuagarsornermik, pilersitsiviit aamma atuagarsornani ingerlataqarnerit.

### Atuagarsorluni pikkorissaqqinneq

Inunnut sullinniakkanut, ilinniagaqarnissamut pikkorissaqqinnermik kissaateqartunut, atuagarsornermik ingerlataqarneq.

### Pilersitsiviit

Pilersitsivinnut pikkorissaqqinnissamut innersuussineq.

### Atuagarsornani pikkorissaqqinneq

Majoriami atuagarsornani ingerlataqarnissamut innersuussineq.

Suliffimmik sungiusarnissamut innersuussineq.

Majoriap suleqataani, Danmarkimi Højskolit pillugit Kalaallit Nunaanni Ingerlatsivimmi, højskolernissamut innersuussineq.

Majoriami atuagarsornani pikkorissaqqinnernut allanut innersuussineq.

#### 4. Iliuusissatut pilersaarutit

Innuttaasunut tamanut iliuusissatut pilersaarummik suliaqartoqassaaq. Iliuusissatut pilersaarut aaqqissuussaq tamakkerlugu innuttaasumut malinnaatinneqassaaq, ingerlatsivik suliassamik suliarinninnermik isumaginnittoq apeqqutaatinnagu.

Innuttaasunut ingerlaqqinnissamut ikiorneqarnissamik kissaateqarluni saaffiginnittunut tamanut inummut tunngasumik pilersaarummik suliaqartoqassaaq. Innuttaasumut iliuusissatut pilersaarummik suliaqarnissaq inatsisitigut pisussaaffiuvoq, aamma periuseq atorneqartussa q suleriaatsit pillugit allaatigisani nassuiarneqarpoq.

#### **Suliassanik suliarinnittussarsiuineq**

Majoriami suliassat, naammassisassanut isumaqatigiisummi allaatigineqartut, allanut suliarinnittussarsiuunneqassanngillat, imaluunniit allatut, Naalakkersuisut akuersissuteqaqqaartinnagit, namminersortumut allamut isumagitinneqassanngillat. Majoriami suliassaq ataaseq imaluunniit suliassat allat allamut agguanneqarnissaat imaluunniit suliarinnittussarsiuunneqarnissaat kommunip kissaatigippagu, suliassaq agguanneqarnissaa imaluunniit suliarinnittussarsiuunneqarnissaa sioqqullugu, naalakkersuisoqarfimmut qinnuteqaammik nassiussisoqassaaq.

#### **Majoriap sullinniagai**

Majoriap sullinniagai pillugit kommuni anguniakkanik suliaqassaaq. Majoriami qitiusumik ingerlatsiviit pillugit ukiumoortumik nalunaarusiornermut, tak. nalunaarusiorneq, atatillugu Majoriap sullinniakkat pillugit nassuiaateqassaaq.

- Suliffissaaleqisut tamaasa.
- Ilinniartitaanermut suliffeqarnermullu attuumassuteqartillugu ilitsersuinnermik kissaateqartut tamaasa.
- Ilinniartitaanermut imaluunniit suliffeqarnermut pikkorissaqqinniarlutik qinnuteqartut.
- Innuuttaasut Majoriap neqeroortigisinnaasaata saniatigut sullinneqarnissamik imaluunniit immikkut tapersorneqarnissamik pisariaqartitsisut, kommunimi isumaginninnermik oqartussanut innersuunneqassapput. Tamatuma kingorna innuttaasut eqimattat taakkua pillugit pitsaanerpaamik suliniuteqarfiginissaat anguniarlugu suleqatigiinneq aallarnisarneqassaaq, aamma innuttaasut atuagarsornermik pikkorissaqqinnissaat pineqarpat Aqqut.gl-imut innersuunneqassallutik, atuagarsornani ingerlataqarnermuunngitsoq.

## Nalunaarusiorneq

Kommuni Majoriami qitiusumik ingerlatsiviit, naammassisassanut isumaqatigiisummik naammassisaqartussatut pineqartut, tamarmik pillugit ukiumoortumik nalunaarusiamik suliaqassaaq naalakkersuisoqarfimmullu nassiullugu. Nalunaarusiaq ingerlatsinermut tapiissutit akuersissutigineqartunut naatsorsuutit ilanngullugit nassiunneqassapput.

Naammassisassanut isumaqatigiisummik naammassinninnermut nalunaarusiaq ukiut tamaasa kingusinnerpaamik ulloq 1. april nassiunneqartassaaq. Majoriap aqqissuussaq IT-reg atorlugu qarasaasiakkut paasissutissat qaammatisiutini ukiup kinguliani kisitsisit nalunaarusiarissavai. Paasissutissat nalunaarutigineqartut naammassisassanut isumaqatigiisummik anguniagassatut aalajangerneqartunut, ingerlatsiviup pisussaaffiinik Majoriap naammassinnissimaneranik naliliiniarluni, ataqatigiissinneqassapput.

IT-reg-imiit paasissutissat minnerpaatut iliuusissatut pilersaarutinik, ingerlaqatigiiaanik aamma tulluarsaqatigiiaanut pingasunut tamanut nalunaarsukkanik imaqqassapput.

Nalunaarusiami qaammatisiutini ukioq kingulleq matussuserneqassaaq aamma pikkorissaqqinnermut, ilitersuinnermut suliffeqarnermullu sammisanik imaqqassalluni. Nalunaarusiornermut skabelon ilanngunneqartoq atorneqassaaq (Skabelon: Naammassisassanut isumaqatigiisummik malitseqartitsineq).

## Sulisut

Kommunip Majoriami atorfillit akornanni piginnaasat ataavartumik siuarsarnissaat pitsanngorsarnissaallu qulakkiissavaa, taamaalillutik Majoriami suliassat sunniuteqarluartumik isumagisinnaaqqullugit.

Naalakkersuisoqarfimmiit ingerlatsinermut tapiissutit tunniunneqartut, ingerlatsinermut tapiissutit pillugit kapitali naapertorlugu, taamaallaat ilitersuinnermut atuartitsinermullu sulisunut kiisalu ingerlatsivimmi pisortamut akissarsiaqartitsinermut, tamatumunngalu sammisassanut akiliinnermut atorneqassapput, assersuutigalugu ilinniartitaanermut suleqatigiinnermullu angalanerit, pikkorissarnermut atortussat aamma atuartitsinermut atortussat. Ingerlatsivinni pisortanut tunngatillugu kommuni fagchefimik atorfinitsitsinissaq kissaatigippagu, kommunip atorfimmut aningaasartuutit nammineq akilissavai.

Kommunip suliassat piginnaasaqartunik pitsaassusilimmillu aqqiivigineqarnissaat qulakkeerniarlugu Majoriami sulisut naammattumik amerlassuseqassasut, katitigaassasut aamma pisariaqartumik piukkunnassuseqassasut piginnaaneqassasullu isumagissavaa, taamaalilluni naammassisassatut anguniakkat anguneqarlutik. Atorfillit ilinniakkatigut misilittakkatigullu tunuliaqutaat Majoriami suliassat anguniakkallu eqqarsaatigalugit tulluartsuussapput, taamaalilluni innuttaasunik suliffissaaleqisunik il.il. pillugit suliassat sularineqartarnerat sunniuteqarluartumik piginnaasaqartunillu ingerlanneqarluni. Majoriami atorfilinnut pikkorissaqqinnissamut neqerooruteqarneq naalakkersuisoqarfik suleqatigalugu naammassineqassaaq.

Sulisunut akissarsiatigut atorfeqarnikkullu atugassarititaasut pisortat isumaqatigiissutaannut aamma Naalakkersuisut, kommunit kattuffiillu isumaqatigininniarsinnaatitaasut akornanni isumaqatigiissutinut ilaapput.

Sulisunik piukkunnartunik atorfinitsitsineranut tunngatillugu naalakkersuisoqarfik siunersiuineramik ikiuussinnaavoq.

## Aaqqissugaaneq

Naammassisassanut isumaqatigiissummi matumani Suliffissanut, ilitsersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. december 2015-meersoq naapertorlugu suliassat aaqqiissuteqarfiginissaannut kommuni pisussaaffilerneqarpoq. Inatsimmi § 1 naapertorlugu, kommuni illoqarfinni tamani Majoriami qitiusumik ingerlatsivimmik pilersitsissaaq. Majoriamik aaqqissugaaneq kommunip aalajangiinera malillugu ingerlassaaq, suliassanik aaqqiinissamat najukkami pissutsit eqqarsaatigalugit naapertuunnerpaamik periuseqarluni. Kommunip kissaatigippagu, aaqqissugaaneq pillugu naalakkersuisoqarfik siunersiorneqarsinnaavoq.

Aaqqissugaaneq aamma Majoriami suliassat assigiinngitsut timitalerlugit inissiineq innuttaasunut ersarissuussapput.

Kommunip Majoriamut illuutit atortorissaarutillu naleqquttut pissarsiarinissaat akisussaaffigaa kiisalu taakkua ingerlanneqarnerat aserfallatsaaliorneqarnerallu isumagissallugu. Illuutit atortorissaarutillu qaqugukkulluunniit sullivinnik avatangiisit pillugit inatsisini malittarisassat atuuttut malillugit eqquutitsissapput. Majoriamut illuutit sapinngisamik illoqarfiup qeqqani inissisimassapput, taamaalilluni kommunip innuttaasui Majoriamut isersinnaanerat ersarissuussalluni naleqquttuullunilu.

Kommuni ilinniartut ineqarnerannut, ingerlatsineranut nakkutilliinermullu akisussaaffeqarpoq.

## Aningaasaqarneq

Majoriamik ingerlatsineranut ineriartortitsinermullu aningaasartuutit kommunimit akilerneqartassapput. Aningaasaliineq ilaatigut ilitsersuineranut aamma pikkorissaqqinnermut naalakkersuisoqarfimmiit ingerlatsineranut tapiissuteqarnikkut ilaatigullu kommunimiit annertoqataannik akiluteqarnikkut pisarpoq. Ataatsimut isigalugu aningaasaliinerup Majoriami ilitsersuineranut pikkorissaqqinnernullu atatillugu suliassanik aaqqiissuteqarnermut isumalluutit naammannissaat qulakkiissavaa, suliffissarsiuussisarfirmullu atatillugu kommunimut ataatsimut tapiissuteqarnikkut pisarluni.

Ingerlatsineranut tapiissutit naalakkersuisoqarfimmiit ukiumoortumik tunniunneqartarput. Ingerlatsineranut tapiissutinik tunineqarnissamat piumasaqaataavoq aningaasanut inatsimmi aningaasaliissutinut tunngatillugu tunngavissat attuumassuteqartut kiisalu illoqarfimmi inuusuttunik naatsorsuineq, aamma isumaqatigiissutit attuumassuteqartut.

Kommunip Majoriaq aningaasaqarnikkut ingerlatissavaa, Majoriamut naatsorsuineramik konto namminersortoq pilersinneratigut, kommunimi suliassanut allaffissornikkullu allanut attuumassuteqartinnagu. Naatsorsuutit tamarmik kontomi tassani ingerlanneqassapput aamma ukiumoortumik naatsorsuutitut kommunip naalackersuisoqarfimmut nalunaarusiarisassaanut tunngaviussallutik.

Oqimaaqatigiissitsinerup katinnera aningaasanut inatsiseqarfiusumi tulliuuttumi kingusinnerpaamik ulloq 1. maj nassiunneqassaaq, aamma naatsorsuutit kingusinnerpaamik ulloq 1. februar nassiunneqassallutik. Allagaatit marluutillugit kisitsisai tamaasa takusinnaangorlugit nassiunneqassapput.

Kommuni missingersuutitik suliaqartarnermut nalinginnaasumut ilaatillugu Majoriamut ukiumoortumik missingersuutit suliaqassaaq, ukioq missingersuusiorfiusoq sioqqullugu kingusinnerpaamik ulloq 15. december nassiunneqartussat. Kommunalbestyrelsip naatsorsuutitik suliaqartarnermut nalinginnaasumut atatillugu Majoriamut ukiumoortumik naatsorsuutitik aamma suliaqassaaq. Oqimaaqatigiissitsinerup katinnera ukiumi tulliuuttumi kingusinnerpaamik ulloq 1. maj naalackersuisoqarfimmut nassiunneqassaaq, aamma naatsorsuutit kingusinnerpaamik ulloq 1. oktober.

Kommuni aningaasanut inatsiseqarfiusumut tulliuuttumut missingersuutitik naalackersuisoqarfimmut kingusinnerpaamik ulloq 15. december. Missingersuutit atulersinneqarnerat sioqqullugu naalackersuisoqarfimmit akuersissutigineqaqqaassapput.

Kommuni suliffissarsiuussisarfimmut immikkut missingersuutitik suliaqassaaq taakkualu naammassisassanut isumaqatigiissutip atsiernerani naalackersuisoqarfimmut nalunaarutigissallugit. Suliffissarsiuussisarfimmut aningaasartuutit kommuninut ataatsimoortumik tapiissutit aqutugalugit akilerneqassapput.

Ukiumi aningaasanut inatsiseqarfiusumi 2025-mi Majoriamut ingerlatsinermit tapiissutit aamma ilinniartut amerlassusissaat ilanngussami allaaserineqarput: Majoriamut ataatsimut tapiissutit.

## Ingerlatsinermit tapiissutit

Kommuni naalackersuisoqarfimmit ingerlatsinermit tapiissuteqarfineqartarpoq. Ingerlatsinermit tapiissutit naatsorsuutaasut ukiumut aningaasanut inatsiseqarfiusoq sioqqullugu oktoberimi nalunaarutigineqassapput, imaluunniit ukiup aningaasanut inatsiseqarfiusup pineqartup akuersissutigineqarnerata kingorna piaarnerpaamik.

Ingerlatsinermit tapiissutit 70 %-ii ukiut tamaasa ulloq 1. februar tunniunneqartarput. 30 %-ii sinneruttut ukioq tassani ulloq 1. oktober tunniunneqassapput, naammassisassanut isumaqatigiissummi isumaqatigiissutit eqqutitinneqarneri piumasaqaataalluni. Isumaqatigiissutit eqqutitinneqanngippata, kommunimit nassuiaammik naammaginartumik nalunaaruteqarnissaata tungaanut, naalackersuisoqarfiup 30 %-it sinneruttut tunniunnissaat uninngatissinnaavai. Nassuiaat naammaginangippat, ingerlatsinermit tapiissutit 30 %-it sinneruttut naalackersuisoqarfiup tunniunnissaat pinngitsoortissinnaavaa.

Ingerlatsinermit tapiissutit katillugit ukioq aningaasanut inatsiseqarfiusoq tamakkerlugu matussusissavaat, aamma piffissaliussat aalajangerneqartut malillugit tunniunneqassallutik. Kommuni ingerlatsinermit tapiissutit tunniunneqartut aqunneqarnissaannut akisussaaffeqarpoq aamma Nalunaaruteqarneq pillugu immikkoortoq naapertorlugu naalakkersuisoqarfimmut nalunaaruteqarnissamut pisussaaffeqarluni.

Kalaallit Nunaanni Namminersorlutik Oqartussat ujartuilluni ilitersuinermit tunngatillugu tapiissutaat ukiumoortumik aningaasanut inatsiseqarfiusussamut tulliuuttumut, ukioq akuersissuteqarfiusoq sioqqullugu illoqarfimmi inuusuttut amerlassusaat (paasissutissat Naatsorsueqqissaartarfimmeersut) ulloq 1. oktoberimeersut tunngavigalugit aalajangersarneqartarput.

Majoriami ilinniartitaanermik ilitersuinermit pikkorissaqqinnermullu tunngatillugu tapiissutit ingerlatsinermit tapiissutinut aalajangersimasumik ilaapput.

### Immikkut ittumik suliniutit aningaasallu immikkoortitat

Ilinniartitsisunut, atortussanut suliniutinillu ingerlatsinermit kiisalu ilinniartut amerlassusaannut aningaasat sumiiffimmi suliniummut toqqaannartumik tunniunneqartarput aamma suliniummut atatillugu aningaasartuutitut utertitsilluni akiligassatut tunniunneqartarlutik. Suliniummut akisussaasoq toqqarneqassaaq naalakkersuisoqarfimmut ingerlaavartumik akilerneqartartunik akisussaasusaaq.

Suliniutinut aningaasat immikkoortinneqartut ilinniartullu amerlassusaat naalakkersuisoqarfimmut akilerneqartassapput, aamma aningaasat ingerlataqarnerup kingorna nuunneqartassallutik.

### Ineriartortitsinermit aningaasanik immikkoortitsineq

Majoriami suliniutinut aningaasat pillugit qinnuteqartoqarsinnaavoq. Aningaasanut inatsimmi nuna tamakkerlugu aningaasanik immikkoortitsisoqartarpoq qinnuteqarnerullu kingorna akuersissutigineqartarlutik.

### Ilinniartut amerlassusaat

Ilinniartunut tapiisarnermit Majoriami pikkorissaqqinnissamut qinnuteqartut amerlassusaat malillugit akuersissutigineqartarput. Amerlassusaat isumaqatiginninniutigineqassapput ukiumullu ataasiarluni ingerlatsinermit tapiissutit naatsorsuutaasut nalunaarutigineqarnerannut atatillugu aalajangersarneqartarlutik.

Kommunalbestyrelsi isumaqarpat ilinniartut amerlassusaat pillugu iluarsiinissamut pisariaqartitsisoqartoq, kommuni tunngavilersukkamik allakkatigut qinnuteqaammik naalakkersuisoqarfimmut nassiussinnaavoq. Qinnuteqaat ilinniartut amerlassusaat pioreersut, ilinniartitsisut amerlassusaat kiisalu najukkami inissaqartitsinerit inissaatigineqarsinnaasullu pillugit atuinermit nassuiaammik imaqassaaq. Naalakkersuisoqarfiup ilinniartut amerlassusaannik iluarsiinissaaq pillugu ingerlaavartumik qinnuteqaatit naliliiffigisarpai.

Ilinniartut amerlassusaannut aningaasat immikkoortinneqartut naalackersuisoqarfimmut akilerneqartassapput.

Ilinniartut amerlassusaat ataaseq ilinniartup ataatsip qaammatini qulini tapersiissutinik pisartup assingaa. Assersuutigalugu ilinniartut marluk qaammatini tallimani tapersiissutinik pisartut, ilinniartut amerlassusaat ataatsip assingaa, imaluunniit ilinniartut tallimat qaammatini marlunni tapersiissutinik pisartut, ilinniartut amerlassusaat ataatsip aamma assingaa.

## **Nakkutilliineq**

Suliffissanut, ilitersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. december 2015-meersoq naapertorlugu, naammassisassanut isumaqatigiissutip eqquutitineqarnera suliassallu aaqiivigineqarneri pillugit naalackersuisoqarfik nakkutilliinissamut qaqugukkulluunniit pisinnaatitaavoq pisussaataitaallunilu.

Naalackersuisoqarfiup nakkutilliinera marlunnik siunertaqarpoq. Ilaatigut aalajangersimasumik nalunaarutigineqartut IT-atortulersuutinullu nalunaarsorneqartut malitseqartitsiviginissaat, najukkami ingerlatsinerup ineriartorerullu naammassisassanut isumaqatigiissut malillugu ingerlanneqarnerat qulakkeerniarlugu, ilaatigullu pisariaqartitsisoqassappat ikiuinermik, siunersuiuinermik ilitersuiuinermillu kommunimik oqaloqateqarniarluni.

Naalackersuisoqarfik ingerlatsinermut tapiissutit akuersissutigineqartut kiisalu ilinniartunut tapersiissutit akuersissutigineqartut atornerarnerat pillugu nakkutilliisarpoq.

Ingerlatsinermut tapiissutit ilinniartunullu tapersiissutit akuersissutigineqartut siunertanut allanut atornerartut paasineqarpat, naalackersuisoqarfiup ingerlatsinermut tapiissutit kiisalu ilinniartunut tapersiissutit tunniunneqartarneri unitsissinnaavai aamma ingerlatsinermut tapiissutit tamakkiisumik ilaannakortumilluunniit utertitsilluni akilerneqarnissaat piumasarinnaallugu.

## **Saqitsaannerit, pisussaaffimmik sumiginnaanerit aamma kalerriinerit**

Isumaqatigiissut manna tunngaviusumik isumaqatigiissutaavoq. Isumaqatigiissutip paasineqarnissaa pillugu isumaqatigiinngissuteqartoqarpat, illua-tungiliuttut isumaqatiginninniarnikkut isumaqatigiissuteqarsinnaanerlutik misilissavaat. Tamatumunnga illua-tungiliuttut marluullutik isumaqaginninniarnissamut pitsaasumik piumassuseqarnerat piumasaqaataavoq.

Naalackersuisoqarfiup isumaqatigiissut manna sumiginnaarpagu, kommunip qaammatit arfinillit sioqqullugit kalerriinikkut isumaqatigiissut atorunnaarsissinnaavaa. Atorunnaarsitsinissaq sioqqullugu kommup isumaqatigiissut atorunnaarsinniarlugu kissaateqartoq, kiisalu piffissaliussap aalajangersimasup iluani, isumaqatigiinngissutaasup suussusia apeqqutaalluni, kisianni minnerpaamik qaammammik ataatsimik sivilissusilerlugu, isumaqatigiinngissutaasinnaasut qanoq iliorluni aaqiivigineqarsinnaanersut pillugu siunnersuuteqarluni naalackersuisoqarfik allakkatigut kalerriineqassaaq. Piffissaliussap qaangiunnerani kommunip isumaqatigiissut atorunnaarsinniarlugu suli kissaateqarpat, kommuni isumaqatigiissutip atorunnaarsinneqarnissaa pillugu qaammatit arfinillit sioqqullugu kalerriilluni nassiussissaaq. Aningaasanut

inatsiseqarfiusussamut tullermut tapiissuteqarneq pillugu inaarutaasumik nalunaaruteqarnermi nalunaaruteqarallarnermut atatillugu annertuumik allannguisoqarpat, kommunip aningaasanut inatsiseqarfiusup atuuttup naanerani isumaqatigiissut atorunnaarsissinnaavaa.

Kommunip isumaqatigiissummi suliassat taaneqartut isumaginissaat sumiginnarpagit, tassunga ilanngullugu nalunaaruteqarnissamut pisussaaffik eqquutinnagu, naalackersuisoqarfiup isumaqatigiissut manna qaammatit arfinillit kalerriilluni atorunnaarsissinnaavaa.

Atorunnaarsitsinissaq sioqqullugu, naalackersuisoqarfiup isumaqatigiissut atorunnaarsinniarlugu pilersaaruteqarneranik, kommunalbestyrelsi allakkatigut kalerriinermik tigusaqassaaq.

Naalackersuisoqarfik tamatumunnga erseqqinnerusumik tunngavilersuissaaq kiisalu piffissaliussap aalajangersimasup iluani, isumaqatigiinngissutaasup suussusia apeqqutaalluni, kisianni minnerpaamik qaammamik ataatsimik sivissussilerlugu, isumaqatigiinngissutaasinnasut qanoq iliorluni aqqiivigineqarsinnaanersut pillugu siunnersuummik nassiussilluni. Piffissaliussap qaangiunnerani naalackersuisoqarfiup isumaqatigiissut atorunnaarsinniarlugu suli kissaateqarpat, naalackersuisoqarfik isumaqatigiissutip atorunnaarsinneqarnissaa pillugu qaammatit arfinillit sioqqullugu kalerriilluni nassiussissaaq.

Pisoqassappat, kommunip suliassat isumaqatigiissutaasut naammassisinnaajunnaarlugit imaluunniit naammassisassat isumaqatigiissutaasut naammassisinnaajunnaarlugit, tamanna pillugu kommuni naalackersuisoqarfimmut ingerlaannartumik nalunaaruteqarnissamut pisussaaffeqarpoq.

Ajornartorsiummut pissutaasoq tamakkiisumik kiisalu pisumut aqqiissutissatut kommunip nammineq siunnersuutaa allaaserineqassaaq. Siunissami kommunip suliassat aqqiiviginissai anguniakkallu angunissai pillugit aamma allaaserineqassapput. Naammassisassanik angusaqarneq amigaataasoq uteqqinneqarpat imaluunniit tamatumunnga malitseqartitsineq amigaataappat, annertuumik sumiginnaanertut isigineqassaaq aamma taamatut suliarineqassalluni.

## **Atuutilerfia, atuuffia, isumaqatiginninniaqqinneq atorunnaarsitsinerlu**


Isumaqatigiissut manna atuutilerpoq ulloq 1. januar 2025 aamma 1. januar 2025-miit 31. december 2027-mut atuutissalluni.

Piffissami isumaqatigiissuteqarfiusumi isumaqatigiissummut matumunnga atatillugu annertuumik allanngortoqarpat, illua-tungiliuttut tamarmik qaammatinik pingasunik piffissalerlugu isumaqatigiissut pillugu isumaqatiginninniaqqinnissamik kissaateqarsinnaapput.

Isumaqatiginninniaqqinnissamik pisinnaatitaanermut sumiginnaanermut pisinnaatitaanerit atuuttussanngortinnissaannut killiliinernik kinguneqanngilaq, tak. Nakkutillineq pillugu immikkoortoq.

Isumaqatigiissut minnerpaamik qaammatinik arfinilinnik kalerriutigalugu illua-tungeriinnit atorunnaarsinneqarsinnaavoq. Isumaqatigiissut atorunnaarsinneqarpat, Kalaallit Nunaanni Namminersorlutik Oqartussat inuussutissarsiutigalugu ilinniartitaanermi ingerlatanut tunngatillugu, aningaasartuutit agguanneqarnerannut tunngaviusut isumaqatigiissutip matuma atsiorneqarnera sioqqullugu atuuttut naapertorlugit, suliassat isumagissavaat.

Namminersorlutik Oqartussat sinnerlugit

 27/11-2025

Naalakkersuisoq

Ulloq

Atsiorneq

Kommuni sinnerlugu

Malik Berthelsen 20/10-25

Malik Berthelsen  
Borgmester

Borgmester

Ulloq

Atsiorneq

## Ilangussaq: Majoriami suliassanut killiliussat

### 1. Inatsisinut tunngatillugu killiliussat

Majoriami sularisanut qaqugukkulluunniit atuuttut inatsisitigut tunngatillugit toqqammaviusut malittarineqartuartaapput. Isumaqatigiissutip atsiorterani inatsisinut tunngasut toqqammavigisat tassaapput:

- Inatsisartut inatsisaat nr. 28 ulloq 9. december 2015 *Suliffissanut, Ilitsersuisarnernut Pikkorissaqqinnernullu qitiusumik ingerlatsiviit* pillugit.
- Kalaallit Nunaannut suliffissarsiortut killilersimaarnissaat pillugu Inatsisartut inatsisaat nr. 27, 30. oktober 1992-imeersoq
- Kalaallit Nunaannut suliffissarsiortut killilersimaarnissaat pillugu Inatsisartut inatsisaata allannguuteqartinneqarnera pillugu Inatsisartut inatsisaat nr. 27, 9 december 2015. (Sulisitsisut suliffissanut nittartakkamik atuinissaat)
- Kalaallit Nunaannut suliffissarsiortut killilersimaarneqarnissaat pillugu Inatsisartut inatsisaata allangortinneqarneranik Inatsisartut inatsisaat nr. 23, 28. november 2016-imeersoq (Atuuffia aamma ilinniakkat allat, nalunaarusiortarnek il.il.)
- Kalaallit Nunaannut suliffissarsiortut killilersimaarnissaat pillugu Inatsisartut inatsisaata allangortinneqarnera pillugu Inatsisartut inatsisaat nr. 22, 13. november 2017-imeersoq (Aalajangiinissamut killigitat)
- Suliffeqarnermi innersuussisarnek il.il. pillugit Inatsisartut inatsisaat nr. 5, 8. juni 2014-imeersoq
- Suliffeqarnermi innersuussisarnek il.il. pillugit Inatsisartut inatsisaata nr. 5, 8. juni 2014-imeersup allannguuteqartinneqarnera pillugu Inatsisartut inatsisaat nr. 6, 3. juni 2015-imeersoq (Suliffinnut nittartakkap atornerarnera)
- Suliffeqarnermi innersuussisarnek il.il. pillugit Inatsisartut inatsisaata allannguuteqartinneqarnera pillugu Inatsisartut inatsisaat nr. 32, 9. december 2015-imeersoq (Nuttarnerulersitsinissamut ikiorsiissutit atornerarnerulernissaat)
- Ilinniartunut tapiisarnek pillugu Inatsisartut inatsisaat nr. 45, 23. november 2017-imeersoq
- Kalaallit Nunaanni ilinniartitaanermut inuussutissarsiutinillu siunnersuisarneq pillugu Namminersorlutik Oqartussat inatsisaat nr. 4, 29. november 2013-meersoq (Matuma ataani 1. januar 2022-imi inatsimmi allannguut atuutilerpoq "Ilinniartitaanermut inuussutissarsiutinillu siunnersuisarneq pillugu Inatsisartut inatsisaata allangortinneqarnera pillugu Inatsisartut inatsisaat (Nuna tamakkerlugu ilitsersuisarnermi iliuusissanik periusissiornerup ilanngunneqarnera aamma naammassinninnissamut ikaarsaariarnissamullu siunnersuineranut piumasaqaatip ikkunneqarnera)".
- Inatsisartut inatsisaat nr. 12 ulloq 27. november 2018 Ilinniartitaanernut Inuussutissarsiutinillu siunnersuisarneq pillugu Inatsisartut inatsisaannik allannguneq pillugu Inatsisartut inatsisissaattut siunnersuut (Ilinniagaqartunik tarnikkut isumaginninnikkullu siunnersuisarneq pillugu ilassut, ilitsersuisarnerup ilaatut, aamma Siunnersuisarnermut Siunnersuisoqatigiit katitsigaanerat pillugu allannguut, aamma

kalaallisuuani iluarsiissutit § 11, imm. 2, § 12, stk. 1, § 12, imm. 2, oqaaseqatigiit aappaat, aamma § 25 inatsisip kalaallisut oqaaseqaataani.)

- Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq
- Inatsisartut inatsisaat nr. 7 ulloq 20. juni 2022 Suliffissarsiortunut ikiorsiissutit pillugit
- Piginnaangorsaaqqinnissamut ikiorsiisarneq pillugu Inatsisartut peqqussutaata allangortinneqarneranik Inatsisartut inatsisaat nr. 10, 1. juni 2017-imeersoq (Qulaajaaniarluni ingerlassaq, eqaannerusumik suliffeqarneq, aamma aningaasarsianut tapiissutit)
- Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersoq
- Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersoq  
Naalakkersuisunit akuerineqartut ukiumoortumik aningaasanut inatsit
- Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit Inatsisartut peqqussutaata allangortinneqarneranik Inatsisartut peqqussutaat nr. 1, 16. maj 2008-imeersoq (Inuussutissarsiutinut pikkorissartitsisarnerni tapiissuteqartarnermut inatsisini pineqartut annertusineqarnerat, sungiusaammik sulinermi akissarsianut maleruagassat, kiisalu suliassaqrarfiup allangorneranut tunngatillugu erseqqissaatit)
- Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit Inatsisartut peqqussutaata allangortinneqarneranik Inatsisartut peqqussutaat nr. 11, 18. december 2003-meersoq (Sungiusarluni sulinermi tapiissutinut tunngatillugu malitsigisaanik allannguutissat)
- Piginnaangorsaaqqinnissamut ikiorsiisarneq pillugu Inatsisartut peqqussutaat nr. 4, 31. maj 2001-imeersoq, kiisalu Inatsisartut peqqussutaat nr. 3, 1. juni 2006-imeersoq piginnaangorsaaqqiinermi ikiorsiissutinut peqqussummik allanngueq pillugu.
- Piginnaangorsaaqqinnissamut ikiorsiisarneq pillugu Inatsisartut peqqussutaata allangortinnissaa pillugu Inatsisartut peqqussutaat nr. 3, 1. juni 2006-imeersoq (Piginnaangorsaaqqittussap periarfissai annertusarneqarput, piginnaangorsartunut tamanut sungiusarnermut ilinniagaqarnermullu periarfissat annertusineqarput kiisalu piginnaangorsarnermut piffissarititaq ukionut marlunnet sivikillineqarluni)
- Suliffissaaleqisunik sulilersitsiniarneq pillugu Inatsisartut peqqussutaat nr. 14, 12. november 2001-imeersoq
- Meeqqat atuarfianni inaarutaasumik naliliineq pillugu Namminersornerullutik Oqartussat nalunaarutaat nr. 3, 9. januar 2009-meersoq
- Suliffeqarnermut, suliffissarsiortut ilinniagaqalerniartullu sulilersinneqartarnissaannut kiisalu Kalaallit Nunaannut suliaortartunut tunngasunik kommunalbestyrelsit paasissutissanik nalunaaruteqartarnissaat pillugu Namminersornerullutik Oqartussat nalunaarutaat nr. 20 19. novembari 2007-imeersoq
- Kommunini suliffissarsiuussisarneq suliffissarsiortullu killilersimaarneqarnissaat il.il. pillugit Namminersornerullutik Oqartussat Nalunaarutaat nr. 40 18. september 1990-imeersoq

- Kalaallit Nunaanni suliffissarsiortut killilersimaarnissaat pillugu Namminersornerullutik Oqartussat Nalunaarutaat nr. 24, 26. august 1993-imeersoq
- Kommunini suliffissaqartitsiniutinut tapiissutit pillugit Namminersornerullutik Oqartussat nalunaarutaat nr. 42, 28. september 1994-imeersoq
- Suliffeqarfimmi piginnaangorsaaqqinnermi akissarsianut tapiissutit, piginnaangorsaaqqinnermut pilersaarut, piginnaangorsaaqqinnermi ikiorsiissutit aamma eqaannerusumik suliffeqarneq pillugit Namminersornerullutik Oqartussat nalunaarutaat nr. 40, 13. december 2001-imeersoq
- Nuttarnerulersitsiniarluni tapiissutit pillugit Namminersornerullutik Oqartussat nalunaarutaat nr. 24, 25. august 2008-meersoq
- Inuussutissarsiutinut pikkorissartitsisarnernut tapiissutit pillugit Namminersornerullutik Oqartussat nalunaarutaat nr. 21, 1. juli 2008-imeersoq
- Karakteriliisarnermi tulleriinnilersuineq allatullu naliliisarneq pillugit Namminersornerullutik Oqartussat nalunaarutaat nr. 14, 23. juni 2008-imeersoq
- Suliffeqarnermut, suliffissarsiortut ilinniagaqalarniartullu sulilersinneqartarnissaannut kiisalu Kalaallit Nunaannut suliarortartunut tunngasunik kommunalbestyrelsit paasisutissanik nalunaaruteqartarnissaat pillugu Namminersornerullutik Oqartussat nalunaarutaat nr. 20 19. novembari 2007-imeersoq
- Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaat nr. 17, 27. november 2020-imeersoq
- Isumaginninnermut- Suliffeqarnermullu Naalakkersuisoqarfimmut nalunaarsuisarnermut ileqqussaq.

## **Ilanngussaᑦ: Majoriamut tapiissutit katillugit**